

1028. ՏԱՊԱՆԱՔԱՐ. դագաղածև, գյուղի եզրին, եկեղեցուց ոչ հեռու, հարավային ճակատին, 6 տող.

ԾՆ 1740
ԵՍ՝ ԶԻԼԱՎԸՍ, ԱԼԽԱՆԵՆ
1819 ՍԵՐ ԸՆՏԱՅԵՕՔ ԱԶԱ-
ՏԵՑԱՆՔ Ի ՃՈՐՏՈՒԹԵՆԵՆ:
ԶԱՒՐԸՆԱԿՑԷ: 1848 ԱՄԻ ՎԱՍԽԱՆ
ԱՌԻ:

Ծանոթ. Զիլավը ճորտությունից ազատել է իր գերդաստանը, կոտորել Լոռի ներ-
խուժած լեզգիների ջոկատը:

1029. ԿԱՍՈՒՐԶ. Չորագետի վրա, խելի արևելահայաց պատին, 6 տող.

ԿԱՌՐԶՍ ԿԱՌՌՅ	ԿԱՍՈՒՐԶՍ ԿԱՌՈՒՅ
ԻՆ ԵՂԲԱՔ ԹԱԴԷ	ԻՆ ԵՂԲԱՐՔ ԹԱԴԷ
ՈՍ ԵՒ ԱԼԷՔՍԱՆ	ՈՍ ԵՒ ԱԼԷՔՍԱՆ
ԶԻԼԱՎԸՍ Ե ԿԻՆ	ԶԻԼԱՎԸՍՑ ԵՒ ԿԻՆ
ԱԼԷՔՍԱՆԻ ԽԱՓԷՐ	ԱԼԷՔՍԱՆԻ՝ ԽԱՍՓԵՐ-
ՎԱՆ	ՎԱՆ: 18 ⁷ / ₁ 93:
18 ⁷ / ₁ 93	

Ծանոթ. Կամրջի աջ թևը բնական ժայռն է, որը հարթվել է, և մյուս ափի խելը հավա-
սարագոր պատ է, որոնց վրա դրվել են գերամներ սայլերի, հետիոտնի, ամասունների և
երիվարների անցման համար: Ի դեպ, վիճագրի տակ նշմարվում են հին գրերի հետքեր՝
ջնջված Զիլավյանների կողմից կամուրջը վերակառուցելու ժամանակ:

1030. ԽԱՉՔԱՐ. Ագարակի գյուղամիջյան եկեղեցու շրջապատի գերեզմանոցում,
թևերի վրա 1 տող.

ԹՎԻՆ՝ ԶԿԴ (1515):

ԼԵԶԱՆ

1031. ԵԿԵՂԵՑԻ. մուտքի գլխին և արևմտյան պատի խաչի երկու կողմում, 3 տող.

1892	1892
ՍԵՐԳԻ ՊԵՏ	ՍԵՐԳԻ, ՊԵՏ[ՐՈՍ]
ԳՐԻ ԳՈՒԼԽԱՆ	ԳՐԻ ԳՈՒԼԽԱՆ

ՉՊԱՍ

Ծանոթ. Եկեղեցին հիմնովին վերաշինվել է 1892 թ.: Գյուղացիները կոչում են Կարմիր
վանք: Այն եռանավ բազիլիկ է, երկթեք տանիքով, խորանը քառալանջ է՝ ծածկված
քարի ելունավոր սալերով: Պատերը շարված են տարագույն, կանոնավոր մշակված
քարերով: Պատերի մեջ կան հին բեկորներ, նաև՝ խաչքարեր: Լուսամուտից ցած խաչի

հորիզոնական թևերի եզրաքարերին ձեռքի քանդակներ են՝ կից մակագրություններով: Թեև երկմտելի, բայց հիշատակված են շինարար վարպետները (Սերգի, Պետրոս) և նրանց գործընկեր գրիչը՝ Գուլխանը, որը նաև քանդակների հեղինակն է:

Եկեղեցին շրջապատված է գերեզմանոցով, ուր, թերևս, թաղումներ են արվել Կյուրիկյանների ժամանակներից ի վեր:

ՈՒՌՈՒՏ

1032. ԽԱՉՔԱՐ. ագուցված գյուղից 2 կմ արևմուտք, XIX դ., վերանորոգված մատուռի հյուսիսային պատին, մի մասը՝ ջարդված, եզրակողին, 1 տող (XIV դ.):

ԿԱՆԿԱԵՑԻՔԻՆԱԿԱՆԻՆԱԿԱՆ

ԿԱՆԿԱԵՑԻՔԻՆԱԿԱՆ

ԿԱՆԿԱԵՑԻ ԽԱՉՔԱՐ ԱՒԳԱԿԱՆ ԽԱՉԱՏՈՒՐԻՆ:

Ծանոթ. Պատերին ագուցված են մի քանի խաչքարեր ևս:

ՍՎԵՐԴԼՈՎ

Գյուղը հարուստ է վաղ քրիստոնեական հուշարձաններով: Գյուղի կենտրոնում գտնվում է T-ձև հատակագծով վաղ քրիստոնեական մի եկեղեցի, իսկ մոտ 1-1,5 կմ հյուսիս-արևելք կանգնած է խաչաձև հատակագծով, այս տեղին ոչ բնորոշ մեծության կենտրոնագմբեթ Ս. Աստվածածին եկեղեցին, որը մասնագետների կողմից մերթ համարվել է VII դարի եզակի նմուշ,¹⁰⁰ մերթ էլ, ելնելով եռախորան հատակագծային հորինվածքի և դեկորատիվ տարրերի յուրահատկություններից՝ VIդ. առաջին կեսով, որն ավելի հավանական է: Տեղացիների կողմից կոչվում է Դորբանդավանք:

Այս հուշարձանից մոտ 700 մ արևելք գոյություն ունի թաղածածկ մատուռ՝ բավակահին խորն ընկած բեմական խորանով և երկու կողմերում տեղավորված ավանդատներով:

Մի թաղածածկ մատուռ էլ գտնվում է գյուղի հյուսիսակողմում, բլուրի վրա՝ բազմաթիվ նորոգումների հետքերով:

Երկու ուշ միջնադարյան արձանագրություններ կան գյուղամիջի հնագույն եկեղեցու վրա:

1033. ԵԿԵՂԵՑԻ. հարավային մուտքի արևելյան որմնասյան խոյակին, 3 տող.

ԵՍ՝ ՈՍԿԱՆ-

Ս ԳՐԵՑԻ Թ-

Վ[ԻՆ] ՈՂ (1641):

¹⁰⁰ С.Х. Мнацаканян. Об одном неизвестном типе сооружений древнеармянской архитектуры. «Տեղեկագիր» հաս. գիտ., 1952, N 7, էջ 95-106, Վ. Գրիգորյան, Հայաստանի վաղ միջնադարյան կենտրոնագմբեթ հուշարձանները, Եր., 1982, էջ 28-29: